

— Ի նոյն միտս յանուն Տ. Խաչատրոյ քահանայի Զարիֆեան, ծխատեառն Հայոց Ն. Նախիջևանի: Թ. 532.

— Յանուն առաջնորդին Ատրպատականի, որով պատուիրեցաւ գումարել ժողով հայուհեաց բարեգործական ընկերութեան վասն յաւելլոյ ինչ ինչ յօդուածս ի կանոնադրութեան ընկերութեան Թ. 542.

— Յանուն Սինոդի. յետս առաքմամբ օրագոյն, եթէ խնամէութիւն չորրորդ աստիճանի չիք թոյլատրելի: Թ. 551.

— Յանուն նորին՝ առաքել զՏ. Արտակ վարդապետն ի Քիշնե ըստ հրաւիրանաց Տ. Առաջնորդին: Թ. 552.



ՔԱՂՈՒԱԾՔ ԶՕՐԱԳՐՈՒԹԵԱՆՅ ՍԻՆՈԴԻ

Յ7-ն մարտի Սինոդն հրամայեաց ծանուցանել հոգաբարձուի Ուս. Շրջանին Կովկասու, եթէ բացի տօնից Ծննդեան, Մկրտութեան, և Ս. Յարութեան Փրկչի պարտէ ազատ կացուցանել ի պարապմանց զհայազգի աշակերտս պետական դպրոցաց յաւուրս տօնից՝ Աւետման, Յղութեան ի Յաննայէ, Ծննդեան Ս. Աստուածածնի, Ընծայման ի տաճարն Ս. Աստուածածնի, Ս. Լուսաւորչի մտից ի վիրապն, Ս. Թարգմանչաց, Ս. Առաջին Լուսաւորչացն մերոց Թաղէոսի և Բարդուղիմէոսի առաքելոց, Ս. Ղևոնդեանց, Ս. Վարդանանց զօրավարաց, Անուանակոչութեան Տեառն, Տեառնընդառաջի, Անուանակոչութեան Վեհափառ Հայրապետի ամենայն Հայոց: Հ. 205.

Ի նմին թուի Սինոդն հրամայեաց մերթել զմիջնորդութիւն Կոսիստորիային Երեւանայ վասն ձեռնադրելոյ զհայրապետ Յովհաննիսեանց ի քահանայ Ալափարս գեղջ ի պատճառս մարմնաւոր պակասութեան:

Յ 9-ն մարտի Սինոդն լուեալ զյայտարարութիւն Անդամոյ նորին Տ. Բարգէն վարդ. պատուէր ետ վանական Կառավարութեան պահանջել ի Սմբատայ Վանիկեանց զմի հաղար երկերիւր ուրբիս և ի քարհատ վարպետաց զմի հարիւր ուրբիս: Հ. 225.

Ի նմին թուի Սինոդն հրամայեաց մերժել զմիջնորդութիւն Կոնսիստորիային Երեանայ վասն ձեռնադրելոյ զԽուրշումն Տ. Ղաղարեան ի քահանայ Ղոյթուր գեղջ ի պատճառս թերութս գոլոյ: Հ. 222.

Ի նմին թուի Սինոդն հրամայեաց կարգել զՀովել վարդ. վանհայր վանուցն Հոռոմոսի: Հ. 224.

Ի նմին թուի Սինոդն հրամայեաց պատուիրել Կոնսիստորիային Երեանայ անխափան շրջեցուցանել յեկեղեցիս զգանձանակ յօգուտ Մայր Աթոռոյ և երկրորդ շրջաբերական հրամանաւ պատուիրել ամենայն Կոնսիստորիայից վասն շրջեցուցանելոյ զգանձանակ յօգուտ Մ. Աթոռոյ յամենայն եկեղեցիս հայոց: Հ. 226.

Ի նմին թուի Սինոդն հրամայեաց թոյլ տալ Կոնսիստորիային Երեանայ ընդունել զՀայկն Տ. Յակոբեան ի հոգևոր կոչումն ձեռնադրելով զնա քահանայ Սինայ գեղջ: Հ. 227.

Յ 12-ն մարտի ի Կոնդակէ վեհափառ Հայրապետի տեսանելով, զի պ. Ենգիրբարեան ոչ ևս կարէ վայելել զվստահութիւն Նորին Սրբութեան ի պատճառս ինչ ինչ հանգամանաց, ի հետևումն որոյ և Նորին Սրբութիւնն ոչ կարէ կոչել զնա ի ժամ խորհրդակցութեան կարևոր խնդրոց, ուստի առաջարկել նմին Ենգիրբարեանցի գրաւոր հրաժարել ի պաշտամանէ հաւատարմատարի Սինոդիս: Հ. 228.

Յ 19-ն մարտի Սինոդն եղ ամենախոնարհ յայտարարութեամբ խնդրել ի Նորին Սրբութենէ առնել զպատշա-

ճաւոր տնօրինութիւն վասն յայտ առնելոյ զաղբերս պահ-
պանութեան և զտեղի հիմնարկութեան Դպրանոցի թեմին
Շամախուոյ և առնել զմիջնորդութիւն առաջի Բարձրագոյն
Իշխանութեան վասն բանալոյ զԴպրանոցն: Հ. 268.

Յ 26-ն մարտի Սինոդն հրամայեաց թոյլ տալ Կոն-
սիստորիային Երեւանայ ծախսել ուրբիս չորս հարիւր վասն
նորոգութեանց առաջնորդարանի և Կոնսիստորիայի, պա-
հանջելով զգումարն յունեոր եկեղեցեաց վիճակին: Հ. 294:

Ի նմին թուի Սինոդն հրամայեաց թոյլ տալ Կոնսիս-
տորիային Աստրախանայ ձեռնադրել զԲարսեղն Քալինեանց
ի քահանայ եկեղեցւոյն Հայոց ս. Խաչ քաղաքի: Հ. 299.

Ի նմին թուի Սինոդն հրամայեաց թոյլ տալ Կոնսիս-
տորիային Երեւանայ ձեռնադրել զԲաղշին Տ. Խաչատրեան
ի քահանայ Ախլաթեան գեղջ: Հ. 300.

Ի նմին թուի Սինոդն հրամայեաց բացատրել Առաջ-
նորդի թեմին Նոր Նախիջևանի և Բեոսարաբիոյ, զի իրա-
ւունք իւր են արգելուլ ինքնակոչ և թափառական քահա-
նայից առնել քահանայադործութիւն ի թեմի իւրում: Վասն
տեղափոխութեան քահանայից հարկ է առնել զգրաւոր
համաձայնութիւն թէ նախկին և թէ նորոց ծխականաց
թոյլտուութեամբ Կոնսիստորիայի: Հ. 310

Ի նմին թուի քանզի դպիրն Թովալեան ձեռնադրեալ
է ըստ յատուկ հրամանի Նորին Սրբութեան, ուստի մնայ
առաջնորդի թեմին Բեոսարաբիոյ խնդրել զհրահանգու-
թիւն ի Նորին Ս. Օծու թենէ: Հ. 318.

Յ 2-ն ապրիլի Սինոդն շատ համարելով զապաշխա-
րութիւն Գրիգոր քահանայի Տ. Ներսիսեան՝ պատուիրել
Կոնսիստորիային դարձուցանել զնա ի պաշտօնատեղի իւր:
Հ. 329.

Յ 6-ն ապրիլի Սինոդն հրամայեաց հրաւիրել զԿա-
րապետ Տ. Գրիգորեան ի պաշտօն հաշուապահ վանական
Կառավարութեան ուճկաւ 800 ռ. ի տարին: Հ. 335.

Ամուսնալուծութիւն

Յ 7-ն մարտի Սինոդն հաստատելով զեզրակացութիւն Կոնսիստորիային Ղարաբաղու՝ յանձնել զՍտեփաննոս քահանայ Վարդապետեանց ի դատ մարմնաւոր իշխանութեան վասն կատարելոյ զպսակ անչափահաս Հեղինեայ Մուսայելեանց ընդ Ալլահ-վերտիի Աստուածատրեանց. իսկ զպսակեալսն բաժանել ի միմեանց ցհասանել Հեղինեայ յարիունս հասակի. Հ. 206.

Յ 14-ն մարտի Սինոդն հաստատելով զեզրակացութիւն Կոնսիստորիային Շամախուոյ հրամայեաց լուծանել զպսակ Յովհաննիսի Թառայեանց ընդ կնոջն Մազթաղինէի Մարտիրոսեան, առն միայն իրաւունս տալով մտանել ի նոր ամուսնութիւն. Հ. 244.

Յ 16-ն մարտի Սինոդն հաստատելով զեզրակացութիւն Կոնսիստորիային Շամախուոյ հրամայեաց լուծանել զպսակ Եփրեմայ Տ. Մանուէլեանց ընդ կնոջն Թագուհուոյ Քարահանեանց, իրաւունս տալով երկոցունց մտանել ի նոր ամուսնութիւն ընդ այլս. Հ. 251.

Ի նմին թուի Սինոդն ոչ գտանելով հիմն օրինաւոր լուծանել զպսակ Միքայէլի Մելքոնեան ընդ կնոջն Սիրանուշի Մամիկոնեան՝ հրամայեցին մերժել զխնդիրն. Հ. 276.

Ի նմին թուի Սինոդն ոչ գտեալ հիմն օրինաւոր՝ հրամայեցին մերժել զխնդիրն Յովսեփայ Տիգրանեանի վասն լուծանելոյ զպսակն ընդ կնոջն Նադեժդայի Մանթաշեան. Հ. 277.

Ի նմին թուի Սինոդն ոչ գտեալ հիմն օրինաւոր վասն լուծանելոյ զպսակ Մարգարտայ Տոնոյեան ընդ կնոջն Եղիսաբեթի, հրամայեցին մերժել զխնդիրն. Հ. 278.

Յ 21-ն մարտի Սինոդն հաստատելով զեզրակացութիւն Կոնսիստորիային Աստրախանի լուծանել զպսակ Ստեփաննոսի Ճեպէեանց ընդ կնոջն Վարվառեայ, իրա-

ւունս տալով առնն և եթ մտանել ի նոր ամուսնութիւն։
Հ. 279.

Ի նմին թուի Սինոդն ոչ գտանելով հիմն օրինաւոր
լուծանել զպսակ Ստեփանոսի Վեղիրեանց ընդ կնոջն Շո-
ղակաթայ՝ հրամայեաց մերժել զխնդիրն։ Հ. 292.

Ի նմին թուի Սինոդն հաստատելով զվճիռ Կոնսիս-
տորիայի Երևանայ՝ հրամայեաց լուծանել զպսակ ամուսնոց
Ադիբեկի Զիրոյեան ընդ Ոսկեհատի Ալեքսանեան, իրա-
ւունս տալով կնոջն մտանել ի նոր ամուսնութիւն։ Հ. 303.

Յ 23-ն մարտի ոչ գտանելով հիմն օրինաւոր լուծա-
նել զպսակ Գէորգայ Քեչեճեան ընդ կնոջն Թումեանի
Բաղդասարեան հրամայեաց մերժել զխնդիրն։ Հ. 288.

Յ 30-ն մարտի Սինոդն հաստատելով զեղրակացու-
թիւն Կոնսիստորիային Վրաստանի՝ հրամայեաց լուծանել
զպսակ Այվազեանց Ստեփանոսի ընդ կնոջն Գայիանեայ
Բարեկեան, միայն կնոջն թոյլ տալով մտանել ի նոր ա-
մուսնութիւն։ Հ. 315.

Ի նմին թուի Սինոդն հաստատելով զվճիռ Կոնսիս-
տորիային Հայոց Վրաստանի հրամայեաց լուծանել զպսակ
Գէորգայ Ադամեանց ընդ կնոջն Թինաթինի Յովհաննի-
սեան, առն և եթ թոյլ տալով մտանել ի նոր ամուսնու-
թիւն։ Հ. 317.

Յ 2-ն ապրիլի Սինոդն հաստատելով զեղրակացու-
թիւն Կոնսիստորիային Վրաստանի՝ հրամայեաց լուծանել
զպսակ Պետրոսի Ղամազեանց ընդ կնոջն Աղաւնոյ Ան-
տոնեան. իրաւունս տալով կնոջն և եթ մտանել ի նոր
ամուսնութիւն։ Հ. 330.

Յ 9-ն ապրիլի Սինոդն հաստատելով զեղրակացու-
թիւն Կոնսիստորիային Վրաստանի՝ հրամայեցին լուծանել
զպսակ Ալեքսանի Ռեաչեան ընդ կնոջն Սովիայի, միայն
առն թոյլ տալով մտանել ի նոր ամուսնութիւն։ Հ. 343.